



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

6. De Clerico ægrotante vel debilitato

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

TITULUS VI.

De Clerico Ægrotante vel debilitato.

Q. 1. Utrum Clericus propter ægritudinem, senium, mutilationem, aut aliam perpetuam inhabilitatem amittat beneficium aut fructus illius?

Resp. 1. Clericus propter morbum non amittit beneficium, sed modò Canonice in beneficio suo institutus, sive investitus sit, non pro residente tantum sed etiam pro deserviente habendus est. c. 1. h. t. etiamsi propriâ culpâ infirmitatem contraxerit. arg. c. un. de Cler. non resid. in 6.

Resp. 2. Neque Clericus beneficiatus mutilatus & per hoc insigniter deformatus beneficium, illiusque fructus amittit. arg. c. 2. h. t.

Resp. 3. Neque Episcopus, quod certum videtur ex c. 5. h. t. neque etiam Parochus, de quo dubium est ob c. 4. h. t. amittit beneficium vel illius fructus, casu quo perpetuò fieret inhabilis per lepram v. g. vel amentiam. arg. c. 5. h. t. & c. 3. h. t. videtur clarè decisum.

Q. 2. Quomodo Clericis infirmis vel debilitatis succurrendum? Resp. 1. Si infirmitas sit incurabilis aut perpetua, sintque Beneficiati Curati, Prælati aut Episcopi, dandus est illis Coadjutor, etiamsi forent inviti. c. 3. h. t. & c. un. eod. in 6.

Si morbus sit temporalis, tenentur Parochi Vicarium

Liber III.

D

carium

carium temporalem constituere, pro cura animarum approbatum ab Episcopo. *Trid. Sess. 23. c. 1. de ref.*

Q. 3. Quid de Coadjutoria dicendum? Resp. 1. Coadjutoria est facultas alicui concessa adjuvandi beneficiatum in beneficii regimine: est vel *temporatis*, vel perpetua, id est, cum spe *successionis*. 2. Coadjutorem *temporalem* Prælati Episcopo inferioribus non exemptis, & Parochi dat Episcopus, vel eorum Ordinarius. *c. 3. & fin. h. t. Trid. Sess. 21. c. 6. de ref. Episcopis aut Prælati sublimioribus regularibus solus S. Pontifex. c. un. h. t. in 6.* quia datio Coadjutoris est inter causas majores. Coadjutorem perpetuum nemo dare potest, nisi Papa solus arg. *Trid. Sess. 25. c. 7. §. in Coadjutoriis. de ref. c. 2. & 3. de concess. Præb.* 3. Causæ, ob quas assumendus Coadjutor, sunt senium Coadjuvandi; gravis infirmitas perpetua; mutilatio; defectus scientiæ in Curato. 4. Sustentandus est Coadjutor ex Ecclesiæ proventibus *c. 3. h. t. c. un. eod. in 6.* si verò hujus reditus pro utroque sufficientes non sunt, primò ex iis ali debet coadjutus *c. 1. & 5. h. t.* residuum attribuitur Coadjutori; Episcopo tamen providendum, ut & hic congruam habeat sustentationem, juxta id, quod dicitur *Trid. Sess. 21. c. 4. & 6. sess. 24. c. 17. de ref.* 5. Pontifex quando dat Coadjutorem ad succedendum, non adstringitur ad observandas qualitates in Coadjutore cæteroquin requisitas; quia est supra jus positivum; secus si detur ad coadjuvandum,

dum. 6. Hujus officium est vices coadjuti supplere in iis, ad quæ est datus: *potestas* metienda est ex literis coadjutoria, quæ si non sit limitata, potest ea, quæ principalis, *regulariter*, ob *c. 24. de elect. in 6. c. un. §. fin. h. r. in 6. c. ult. de off. Vicar. in 6.* Coadjutoris *temporalis* officium cessat morte vel naturali, vel civili coadjuti AA. passim. Notentur etiam, quæ Engel habet hic. *n. 8.*

TITULUS VII.

De Institutionibus.

Q. 1. *Quid & quotuplex sit institutio? Resp.* Institutio *specificè* sumpta, sive pro *Collatione necessaria* est concessio Ecclesiæ vel beneficii vacantis auctoritate legitima Episcopi vel alterius Ordinarii ad præsentationem vel nominationem Patroni. Dicitur etiam hæc Institutio *Collativa*, de quæ eâ agitur in hoc titulo, & differt à *Collatione libera*, à *Confirmatione*, & cæteris modis, quibus beneficia acquiruntur. Agitur hic de aliis adhuc duabus institutionibus, quarum una dicitur Institutio *Authorizabilis*, per quam Clerico ad beneficium Curatum promotum committitur cura animarum, & vocatur *Approbatio*. Altera *investitura, installatio, Missio in possessionem, institutio corporalis*, per quam Clerico tribuitur jus apprehendendi possessionem corporalem.